

續修陝西省通志稿

第七十二册

卷一百四一至一百四二

續修陝西通志稿卷一百四十一

金石七

隋

王進造像

存 皇 二年 備 錄

石方二尺餘前刻佛像後面刻字處高三寸廣二寸正書存長安白氏

大隋開皇二年正月十日弟子王進為父病敬造佛像一區以邀

神修

員茂二部邑三百人造像

存 皇 二年 備 錄

石高四尺五寸廣二尺四寸上截刻佛像中截刻序二十五行行二十七字下分四截刻邑子花名一百一十二人

若夫至道玄寂非口果無以觀其光冲旨幽隱非疆回莫能契其趣是以宣十二之玄風窮真宗之實際心不可以智知形不可以像測志氣丈六之形假滅雙樹之間衆會微妙天尊極矣若乃神續陝西通志稿卷一百四十一 金石七 一一

通不疑圓應或有眉間放光面門開照隨根演說一音類解同延皆益不知所以然自慧日潛暉衆寶淪沒證敗莫由罔知憑濟道俗孤靈群生失蔭若不發起成心歸崇正覺何以出於苦海曉之長夜者哉粵有邑子都像主員茂二部邑三百人等名篤信弘深精成峻遠知慧火常明識法輪恒固咸發聚沙之心共奉指爪之念敬造釋迦石碑像二區相好周圍真容若一乃使世二相宛如真容八十種好於茲再現即使觀者鄴體冰霄更受運心聞之者口塵口落心開悞忍神功窮力思理精妙藉此善因仰為皇帝陛下國祚永隆重光累葉又願邑義諸人七世先亡託生淨土陰佛慈光離諸鄴惚口口眷屬使口果圓備慶隆後口當依惠心口時口口世享吉祥普沾聖善含生共登彼岸佛法無窮以留長世行滿果圓俱登正覺口口大軌万德為身慈悲普被法界所口憑之



口善託熟良曰又願法界不朽不塵迴散蒼口咸福同津彼我兼濟圓獲正眞大隋開皇二年歲次壬寅口月壬寅朔九日口口書立

### 碑陰碑側

上截刻佛像花紋下四截刻清信男女一百名兩側亦刻花名磨泐不能辨認

按此碑未經前人著錄今存咸寧縣東鄉白村村人善爲保護不令帖賈氈搦正面磨泐幾半人名模糊書法頗整飭然猶有魏習碑陰花名百人字甚清晰且秀逸瘦勁直開褚歐先路造像書法以此爲最至兩側則成無字碑矣

### 楊協信造像

開皇三年備錄

文刻佛座高三寸橫一尺二寸共十五行行五字今存藍田閻氏

開皇三年歲次癸卯三月廿六日佛弟子楊協信敬造竝立玉像續陝西通志稿卷一百四十一 金石七 二

一區上願皇帝陛下克隆國祚臣佐忠良下願七世父母俱生淨土現存眷屬咸獲福利衆庶人民共登樂宇一切合生同受斯祉案此石出處無稽其字整飭秀逸詞亦簡淨造像中之佳品

### 邑子六十人造四面像銘

開皇三年

寰宇訪碑錄云在三原今未詳所在矣

毛氏關中金石文字存逸考

### 王他奴造像記

開皇四年

雍州金石記云在西安府城北雷神廟佛高尺有二寸以白玉石鑿成佛旁有二侍者梵相古樸座下有記云開皇四年歲次甲辰九月庚申二十日巳卯佛弟子王他奴爲七世父母已來及現存家口大小敬造釋迦無口像一區又刻七世及家人之名其書法若不經意而運筆靈妙隋唐間書法之精乃爾關中金石記長安縣志均載此目今久逸矣

毛氏關中金石文字存逸考

鉗耳神猛造像

開皇四年文備錄

碑約高三尺餘寬一尺六寸厚七寸正而刻佛像四尊左側刻佛像並題名右側刻文共十行行十一字

開皇四年十二月十五日口弟子鉗耳神猛口亡姑造四面石像一區藉此功德願使亡者託生西方妙樂國土彌勒三像會愴在先首若落墮三塗速得解脫又願皇帝國祚永隆四方寧太兵鐔休息萬民安樂龍王歡喜降澤以時五糞口成人無疾病普及法衆口口口生成同斯福 妻靈神妃猛母雷明姬姪兒鉗耳神猛息鉗耳方貴

淮安定公趙芬殘碑

開皇五年見王氏金石萃編

殘碑二段皆高二尺餘廣一尺共二十行字數不計正書在長安縣中兆村

右淮安定公趙芬碑碑已斷失其上半又無題額按隋書芬傳稱封淮安縣男而碑稱淮安縣開國子傳不載芬諡而碑云定續陝西通志稿卷一百四十一 金石七 三一

公其以大將軍歸第傳亦不書皆可補史之闕漏此碑前人未有著錄者予于京師琉璃廠市得之如獲珍珠船矣

錢氏潛研堂金石文

尾字跋

洞元子造像

開皇六年書

長安縣志云在城西南六十里通元宮俗名郭村宮按長安縣志寺觀志云天慶觀在城南宋大中祥符間建元至正間改爲玉清宮又改爲通元宮明宏治間住持李本懷重修有記又土地志云五樓殿在縣西南五十里所轄有北郭南郭三村縣志既能實指其處此碑可待訪也

毛氏關中金石文

王忻造像記

開皇六年見王氏金石萃編

石橫廣二尺一寸五分高一尺一寸五分廿一行行十字正書

嚴姑榮造像

開皇七年

新出咸寧南鄉 文字存關中金石

張氏女造像 存原文備錄開皇九年未見原石不詳尺寸存耀州

開皇九年歲次己酉十一月十日張氏女為亡父母造虛舍配像一區上為國主師僧父母因緣眷屬合門大小法界衆生同治此願但登山覺父車騎大將軍開府儀同三司

東宮右親衛元仁宗墓誌銘 開皇十年書

寰宇訪碑錄云在長安今未詳所在矣 文字存關中金石

惠雲法師墓誌銘 開皇十四年

此石本出長安今久逸矣太尉晉王即隋煬帝也元法僧為北魏陽平王熙之後叛魏投梁事詳資治通鑑此誌書法秀逸隋刻之佳者惜石已磨泐非諦觀之不能得其筆妙也 文字存關中金石

存逸

續陝西通志稿 卷一百四十一 金石七 四一

信行禪師塔銘 開皇十四年

汾陽韓子馥少尉恩湛碑目云在陝西西安府案此石今久逸

矣 文字存關中金石

上開府城舉郡公扈志碑 開皇十四年

此石未經前人著錄同治時出咸寧南鄉然不能實指其處志於周隋時以軍功顯周隋書及北史均未立傳賴此碑以傳金石刻之功豈淺鮮哉 文字存關中金石

驃騎將軍鞏寶墓志 開皇十五年陸氏金石續編

石縱橫各一尺八寸三十一行行三十二字正書篆額題周驃騎將軍鞏君墓誌九字在武功縣署

嘉慶己卯四月偃師段嘉訪出此碑於武功之南鄉移至縣署大堂南海吳榮光并記

銘云孝于惟孝論語書云孝乎惟孝友於兄弟漢石經及皇侃

本孝乎皆作孝于此銘亦用古本可見乎字改在隋後矣又云  
樹勳悲風當作動又云冥冥皆塵與上東韻不叶塵當是同字  
之誤貴氏古  
說石惟

按此石光緒初年爲渭南趙氏所得後歸涇陽端氏

### 海陵郡公賀若誼碑

開皇十六年王氏金石萃編

碑連頌高一丈一尺廣三尺八寸二十八行行六十七字正書  
案額今在興平縣文廟內

此碑正書方整精健是唐初諸人前茅在興平縣文廟宋人磨  
其陰刻夫子廟記而此文止存十三聞本完好一縣令苦貴人  
之摹搨使捶去之誼事見隋史本傳茲不贅云趙氏石  
墨鑑

### 道民滕欽造天尊像記

開皇十六年

此石近出西安題字無多楷法極爲精整今則未詳所在矣毛氏

關中金石文  
字存逸考

### 續陝西通志稿

卷一百四十一 金石七

五

### 美人董氏墓誌銘

開皇十七年

石方二尺二十一行行二十三字蜀王楊秀撰文正書

此石本出西安境內今歸上海徐氏渭仁家藏徐氏名其齋曰

隋軒即指此石十二硯齋金石過眼錄曾記其事今西安帖肆

中所行皆重模本毛氏關中金石  
文字存逸考

### 安喜公李使君碑

開皇十七年王氏金石萃編

碑連額高九尺一丈三寸廣三尺三寸二分行五十二字  
隸書額題大隋安喜公李使君碑篆書在馬嵬北五十二里

奉天鄉人掘得此碑樹之上官村廟前余過觀搨二紙隸書亦  
自遁逸而獨闕使君名按使君與唐同宗官亦不卑隋史無傳  
遂不可考使君祖父季父獨炎之見魏書耳趙氏石  
墨鑑

上官村按乾州東南與興平接界此碑之出必在交界之所故

兩說不同今之拓本多由興平而來故仍屬之興平毛氏關中  
金石文



年三月廿一日起家蒙授清水公國侍郎在職恭勤處事廉潔到大統元年四月蒙授蕩難將軍三年閏月又遷討寇將軍四年七月累轉水曹將軍羽林監加寧遠將軍十三年十二月蒙授輔國將軍中散大夫有隆時選僉允得人外見戎章之重內顯大夫之貴于時魏室分爭兵戈競起疆場彼此邊亭翻覆刀斗繼嚮烽燧連光以君策冠良平勇均吳白用推心膺式寄瓜牙以大統元年十月被魏武帝勅使隨元帥賀拔太師討平沙苑河橋弘農豆軍北呈等五處受辱載馳不日而屆於是雲梯曉合地鼓夜鳴劍色如霜箭飛若雨君乃執銳揮鞭身先士卒鋒鏑纒交媛氛克殄勢同摧朽易甚轉圓聲効日馳疇庸增懋勲公奉上簡在帝心方騁力康衢立功報主道長世短與善無徵春秋册有二魏後二年五月十一日終於私宅皇情悼軫爰加禮贈詔曰故輔國將軍中散續陝西通志稿卷一百四十一 金石七 七一

大夫都督孟顯達有勞行陣不幸喪逝可贈假節龍驤將軍涇州刺史餘並如故君孝友純至諒非外獎德摻特立其實天資弱不好弄長逾恭敗箕裘兩習堂構再隆信結鄉閭恩流道俗聞喪之日莫不釋耒停機輟春罷市以開皇廿年太歲庚申十月丁巳朔廿八日甲申窆於雍州大興縣漣川鄉長樂里之原長子輝孝篤閔曾友逾元季身勲負土公務裁松訓勵子孫家門豈陸每慮谷貿陵遷葉移海變非勒功於彝器紀德於豐碑豈播此芳塵揚名遐代命以庸淺用銘實錄敢拒來請聊述微猷庶隨天地而靡窮與金石而同固其詞云爾 悠哉華緒曠矣長津齟齬表聖履跡興神序由季孟氏自斯因綽高魏老宗盛吳臣藍田松秀驃騎蘭春積善累德歸之若人夙資詔令長事恭勲盡節奉主分榮建親二魏交爭兩雄未決朝選帷籌國慕英傑杜情斯騁醜徒仍滅舍

爵策勳允歸明哲光赫戎章威綏符節向臻槐棘方陳鼎鐘吁嗟  
猛氣遽落高春寵贈口口口口口口口口口口口口口口口口

按此碑連額高八尺每行四十八字前缺一行半後缺半行中  
間完好額題魏故假節龍驤將軍中散大夫涇州刺史孟君之  
碑宣統二年咸寧縣李王村巨墓塌陷縣令培繹如成親往視  
察檢得韋頊夫婦誌石兩方又石槨之一面字跡端好卽此碑  
也遂封墓昇三石於城中圖書館其前後缺數行者蓋當時用  
爲石槨尺寸較大故鑿去耳無書撰人名而字體秀逸勁拔在  
蘇孝慈之右誠隋刻之佳者可寶也惟纂組作纂祖胸府作匈  
府刁斗作刀斗豐碑作豐碑簡作簡爪作瓜猶有魏習

同州大興國寺舍利塔銘仁休壽元年書

同州舍利塔額仁壽元年書

續陝西通志稿卷一百四十一 金石七

碑高三尺五寸廣二尺六寸  
六字分兩行隸書在同州

今在同州府興國寺碑爲八分書數十年前因塔毀僧俗以碑  
與舍利爲冢葬之惟額存焉諸佛舍利寶塔六大字字徑尺許  
其旁有長安香城院主賜紫義省施額長安僧善雋題額按金  
石文字記載碑文而不載此額今碑已不可復見而額猶存故  
特記之庶古物不致盡泯也又按此碑爲隋文帝建不應又有  
施額之事或隋以後增置此額耳朱氏雍州金石記  
按同州塔銘與岐州塔銘同所異者惟同州武鄉縣大興國寺  
數字耳近年同州馬氏有重摹本隸書亦古雅可觀

岐州舍利塔下銘仁壽元年見薛氏金石續編

石高一尺三寸五分廣一尺四寸五分  
分十二行行十一字正書在扶風

扶風縣志云在縣西北五十里龍泉寺嘉慶五年出土楷法精

整毛氏關中金石文字存逸考

蘇慈墓誌銘仁壽三年錄後

石方三尺縱橫  
三十七格正書

大隋使持節大將軍工兵二部尚書司農太府卿太子左右衛率  
右庶子洪吉江雯饒袁撫七州諸軍事洪州總管安平公安故蘇  
使君之墓誌銘 公諱慈字孝慈其先扶風人也九曲靈長河流  
出積石之下十城側厚玉英產岷崙之上故地稱陸海之奧山謂  
近天之高秀異降生岐嶷繼體祖樹仁魏黑城鎮主父武西魏驃  
騎大將軍開府儀同三司亮雲二州刺史平遙郡國公贈綏銀延  
三州刺史時魏氏秦趙將分東西競峙公王父顯考立事建功庇  
大造於生民獎元勳於王室福延後嗣以至於公公承親之道孜  
孜先色奉主之義譽譽忘私寬仁篤行之風彰於弱摻成務理物

續陝西通志稿卷一百四十一金石七 九一

之志表於壯年後魏初起家右侍中士三年加曠野將軍周明革  
運授中侍上士天和二年授右侍上士四年授都督充使聘齊五  
年治大都督領前侍兵六年授正大都督仍領前侍兵公又勞禁  
衛頻掌親兵慕典君之慎密似稗侯之純孝其年重出聘齊受天  
子之命問諸侯之俗延譽而出周境陳詩而察齊風還授宣納上  
士王言近納帝命攸宣咫尺當辰之尊渙汗如綸之重七年授左  
勳衛都上士建德元年授夏官府都上士治中義都上士九府分  
職六官聯事公遍歷兼治庶績咸舉四年授持節車騎大將軍儀  
同三司大都督領骨附禁兵台司之儀功高東漢車騎之將名馳  
朔漠其年改領左侍伯禁兵五年周武帝治兵關隴問罪漳滏發  
西山制勝之衆挫東嬴乞活之軍一鼓而窮巢穴三駟而解羅網  
公潛稟神筭內汲皇心蒸帷幄之謀董權勁之卒欲渡河北漢光

與鄧禹計同將涉江南晉武共張華意合及僞徒平苻齊相高阿  
那肱已下朝士數百人公受詔慰納并率所領影援高隆之兵還  
授開府儀同大將軍封瀛洲文安縣開國公邑一千五百戶開幕  
府而署賢垂徽章而發號峻并田之賦展車服之容宣政元年授  
前侍伯中大夫其年授右侍伯中大夫其年周宣帝授右少司衛  
中大夫大象元年授司衛上大夫二年周靖授工部中大夫開皇  
元年詔授太府卿其年改封澤州安平郡開國公尋轉司農卿逢  
舜日之光華睹漢官之克復國淵天府粟衍泉流自非物望時材  
何以當斯重寄二年詔授兵部尚書其年兼授太子右衛率四年  
詔知漕渠總副監事七年兼右庶子尋改授太子左衛率喉膺治  
本元凱振端領袖宮僚股肱儲衛八年判工部尚書其年又判民  
部刑部尚書事十二年授工部尚書其年授大將軍衛率封如故  
續陝西通志稿卷一百四十一 金石七  
十一  
十八年以君王官積歲承明倦謁出內之宜刺舉僉允授泚州諸  
軍事泚州刺史大將軍封如故政平訟理威申澤被仁壽元年遷  
授使持節總管洪吉江夔饒袁撫七州諸軍事洪州刺史行清明  
之化播信順之規吏畏之如神明民歸之若江海時桂部侵擾友  
川擁據詔授公友州道行軍總管方弘九伐遠繫千里遘疾薨於  
州治春秋六十有四粵以三年歲次癸亥三月癸卯朔七日己酉  
歸葬于同州蓮步縣崇德鄉樂邑里之山諡曰安公禮也公樹德  
爲基立言成訓揚清以激濁行古而居今韜難測之資蘊莫窺之  
量存善無際歿愛不忘可謂具美君子矣先遠協吉厚夜戒期祖  
奠迎晨徂芳送節茫茫原野前後相悲冉冉春冬榮枯遞及世子  
會昌等終身茹酷畢世銜哀感靜樹於寒泉託沉銘於幽石文曰  
岳峻基厚流清源潔動靜無滯方圓有折舉直平心連從掉舌

獨悲魏禪終存漢節駿發克昌申甫貞祥作鎮憂國隼集鷹揚遷  
都尊主虵輔龍驤誕厥令胤傳茲義方一毛五色一日千里提封  
絕際波瀾莫涖天經至極人倫終始優學登朝飛英擅美鈞陳弈  
弈陸衛森森戎章重結侯服再啟端儲率按掌庚司金五曹遍歷  
二部頻臨汾洛沂江風馳雨布去歎其早來歌其暮除惡代林求  
賢開路二嶺行涉五溪將渡闕世俄盡觀生易終汎舟川逝推轂  
途窮松阡暗日柳駕搖風郇戈楚鼎盛跡元功

此誌於光緒戊子年出陝西蒲城縣案北史隋書蘇孝慈皆有  
傳傳以字行未載其名闕闕官封多與誌合亦間有異同者如  
隋書云慈封文安縣公食邑千五百戶尋改封臨水縣公增邑  
千二百戶臨水縣公誌中未載又隋書云慈在周朝官工部上  
大夫誌作中大夫誌云慈於開皇八年判工部民部刑部尙書

續陝西通志稿

卷一百四十一

金石七

十一

事隋書但云工部民部而無刑部誌云慈父武西魏兗雲二州  
刺史北史則云慈父武周兗州刺史隋書則云慈父武周兗州  
刺史誌云慈於後魏初起家右侍中士隋書則云慈於周初爲  
中侍上士此皆誌與史異者其餘官秩誌中所載較史加詳焉  
史言慈爲太子左衛率文帝將廢太子勇憚慈在東宮出爲浙  
州刺史慈於當時蓋骨梗方正之臣故爲文帝所憚而誌則云  
王官積歲承明倦謁授浙州刺史不言廢太子事當爲當時諱  
也蓮芡之芡當作芍漢書地理誌蓮芍縣屬左馮翊師古曰蓮  
芍讀曰輦酌如淳曰蓮芍城南有鹵池縱廣十餘里鄉人名曰  
鹵中漢宣帝微時困於鹵中是也案隋時蓮芍縣本屬同州馮  
翊郡地理志云大業初併入下邳此誌刻於仁壽時故有蓮芡  
之名也至此誌楷法精健絕倫實爲佳刻蓋隋人楷法集魏齊

之大成開歐虞之先路其沈著痛快處有唐人所不能到者歐陽集古錄每跋隋碑嘆賞不置有以也

毛氏闕中金石文字存逸考

唐高祖爲子祈疾疏

大業二年見王氏金石錄

石高一尺六寸五分廣一尺四寸共九行每行九字行書在鄂縣草堂寺

隋李淵爲子祈疾疏此唐高祖也後書大業二年正月八日按是時太宗才九歲耳

毛氏金石錄

高祖于隋歷譙隴岐三州刺史大業中爲滎陽太守此云鄭州刺史當卽是守滎陽時所造

毛氏闕中金石記

滎澤令當醜奴墓誌銘

大業三年見闕中金石文字存逸考

醜奴始平人爲都督滎澤令大業元年卒誌在興平崇寧寺壁間爲童子摩挲幾平全搨一紙書亦不大佳但以隋物存之興平卽古始平今不知墓所在

趙氏石錄

續陝西通志稿

卷一百四十一

金石七

十二

關中金石記云石方尺餘在興平縣字甚精整按朱氏近漪修雍州金石記時此石已逸蓋其湮沒久矣陝中古誌原石雖亡而拓本尙可覓得惟此誌及梁羅墓誌購求二十餘年迄未見過拓本是可怪也幸興平縣志載有全文備錄如右以備茂陵

掌故焉

毛氏闕中金石文字存逸考

強伏生造像

大業三年見汧陽逸古編正書左行

成都李雲生大令嘉績訪得於汧陽

毛氏闕中金石文字存逸考

鷹揚郎將義城子梁羅墓誌銘

大業四年

咸寧縣志云葬於京兆郡山北鄉樊川之岡

金石文字記云在西安府城外杜曲又云古人之字未必工而後人貴之者以其所從來遠也此字正書猶帶八分凡隋以前

書皆如此

毛氏闕中金石文字存逸考

王摩侯舍利塔記

大業五年見陸氏金石續編

縱廣六寸中下方三寸記刻字左右及下方左右各一行九字

按隋至相道場亦名至相寺即唐百塔寺也在今西安城南五里隋為至相道場唐為信行禪師塔院

陸氏金石續編

姚思辯墓誌銘

大業七年見王氏金石萃編

按此石本出長安然為時既久不能實指其處宋趙氏金石錄已見登載字體秀潤英挺洵信本少年得意之作惟展轉翻刻不免亥豕魚魯海寧吳氏拜經樓碑帖跋尾云隋姚恭公碑全文載在金薤琳瑯世不聞有二本余嘗收得一舊拓本第有誌而無銘凡七百餘字其撰書人名悉與原碑合所述事蹟間多互異原碑稱辯之卒在大業七年三月薨於京兆郡而此碑以為十三年薨於軍幕此又其異然不同者意或是元明好事摹續陝西通志稿卷一百四十一金石七十三

集歐蹟竄改原碑雜之翻刻中以欺世未可知也云云聞原石久毀翻刻本以杭州為佳碑林所存亦廢鼎也

太僕卿元公墓誌

大業十一年見黃氏隋唐石刻拾遺

石縱橫二尺五寸三十七行行三十七字正書在咸寧今歸武進陸氏

誌墓而闕其諱使後人無考何也誌中聖主誤作聖士餘梁誤作餘梁焄蒿誤作君蒿不口官燭統昆口之令長口爭見王陵之節每句空一字卒之月日及葬日甲子與所葬之鄉里皆空格不填蓋上石察書者無其人也房腸行掩用漢書霍光傳賜便房黃腸題湊各一具注便房壙中室也黃腸柏棺也謝惠連祭古塚文黃腸既毀便房已頽此云房腸二者合言也黃氏古石誌右墓志三十七行行三十七字正書字徑四分行間有墓格書法勁秀刻畫峻拔乃石刻中之妙品也節古泉山館

太僕卿元公夫人姬氏墓誌

大業十一年黃氏隋唐石刻拾遺

石縱二尺一寸七分七釐正書在咸寧縣今歸武進陸氏

夫人先太僕三十九年而卒至是始得合葬誌不言其有無子息何也蕙性誤作蕙姓畫哭誤作畫哭夫人姬氏下二字所葬之鄉里亦闕而未填黃氏古石

按元太僕及夫人姬氏二誌近日出土文字完具惟太僕名及字智上一字缺而不填又太僕與夫人卒葬之日並所葬之鄉里亦空格當是書誌時葬地未定至太僕志巴祇暗居之下句總駟踪之監及面刺有汲黯之風二對句亦各空一字未詳其義又太僕志聖主作聖士君蒿作君蒿夫人志蕙性作蕙姓自是刻手之譌而上石察書者無其人也合葬於大興縣某鄉隋

大興今西安府咸寧縣地黃氏隋唐石刻拾遺

續陝西通志稿卷一百四十一 金石七

十四

尉富娘墓誌銘

大業十年錄

石方一尺八寸縱橫二寸四分格正書蓋題大隋左光祿大夫吳國公第三女之墓誌十六字篆書

大隋左武衛大將軍吳公李氏女墓誌文 女郎姓尉字富娘河

南洛陽人吳公之第三女也曾祖兜周柱國太保公祖綱周柱國少傅大司空吳國公父安皇朝左光祿大夫左武衛大將軍洪源與積石爭流歷葉與鄧林俱茂德業有光於千祀軒冕不替乎一時女郎生處金穴長自蘭閨婦德未教而已成女工頗習而皆備紅組彌閑姿色溫柔南國羞其桃李骨像端麗西子謝其姝妍每念母勞深知父一年猶稚齒卓尔不群溫彌勤昏晨匪懈庭訓嚴閨房雍肅既而家曰萬石產擬四豪琮寶盈堂珍映必備女郎志希儉率但慕慈悲經界之所弗虧施捨於焉相續方用配君子能為女師而與善憑虛浮生不固掩然遘疾砒石不痊以大業十一

年五月十三日終于京兆春秋一十有八仍以其月十七日窆於京兆郡長安縣龍首鄉興臺里母氏痛盛年之无匹悲處女之未笄雖在幽媾婚歸於李氏共牢无爽同穴在斯嗚呼哀哉貞桂消亡更无花朵春蘭萎落永失芬芳遂使臺上吹簫唯聞采玉隴頭看月獨見恒娥反魂之香无由可復更生之草何處相逢陵谷易遷招魂豈識瑩隧方泯祭醑難知寄以雕刊傳之不朽乃爲銘曰  
嵩岳鎮地洛水浮天宗枝永遠世緒蟬聯鐘鼎係踵公侯在旃載予斯育圖畫膺焉稚齒鐘愛傾城遠傳梁昇曉日水映披蓮孝敬无竝閑柔孰先曹文惠誠班扇慙篇清潔持躬閨房靜謐外語弗聞內言寧出篤意滄隨動工梁袞浮生弗永墜露寧避鉛華遽沒砭石終欺郊門景落松逕風口筵虛撤奠柳去空帷夜臺方掩无復歸期

續陝西通志稿 卷一百四十一 金石七 十五

此石於同治時出於長安字跡精整後爲懷寧張三木購去攜至山左今未知移徙何處帖肆所行則多重摹本矣按誌之篆蓋題云大隋左光祿大夫吳國公第三女之墓誌而誌之首行則題云大隋左武衛大將軍吳公李氏女墓志文一則從母家之序一則用其冥婚之姓皆他誌所罕見者

左禦衛府長史宋永貴墓誌銘

存業十二年後  
石方二尺四寸縱橫三十四字篆書在西安碑林  
故通議大夫宋君誌九字篆書在西安碑林

隋故左禦衛府長史通議大夫宋君墓誌銘 君諱永貴字道生西口郡人也高以敬敷五教錫茅土而封商湯以來蘇八遷從先王而居亳洪源括地與懸米爭深高峯極天共雲丘比峻時稱冠族世挺民英楚客多材周寶在位昌則參謀代邸夜拜九卿弘迺變輔中興職登三事箕裘必繼堂構莫虧烏弈連華衣纓累襲曾

祖承桑干郡守恒州刺史祖業河州刺史襄帷作牧分竹出守布政有感則穰麥興哥遺愛在民則甘棠勿剪父暉使持節車騎大將軍儀同三司鄉伯大夫萬年縣開國子持節假奉使之威將軍實爪牙是任苴茅土而開國均儀服於台階光覆五宗貴延百世君擢幹芳苑耀質驪淵稟庭訓而知言奉家聲而立德風神閑雅播自齠年書劍口能聞諸學歲旣而振纓來仕解褐登朝以周天和四年出身授歿寇將軍強弩司馬大象元年任右宮伯右侍散二命士二年遷大駙都下士力堪引強威能殄寇雖非右職允此嘉名所奉二君歷應四選旣仕不擇時官未爲達曠大才於高位沉英俊於下僚周德之衰所由來矣及皇基肇創神武膺期則哲自天官人有叙開皇六年引授殿內將軍九年詔授蒲坂縣開國子其年加授儀同三司出爲蕃禾鎮將殿內則出入臥內儀同則續陝西通志稿

卷一百四十一

金石七

十六一

具擬台司將軍朝廷之虎臣鎮將京畿之虎落出撫則旄旌疊映入侍乃環珮交暉十四年蒙授婺州長史十七年詔授觀州司馬大業三年改授慶州司馬累遷朝請大夫漢川贊治贊邦佐治自郡遷州慈惠以撫細民溫恭而待國士示賒以儉糾猛以寬煦之以春陽威之以秋霜潤洽傍隣時稱善政五年入爲左禦衛長史三軍務重六衛爲最總管營校兼臨卒伍教戰勿失閱武以時八年天子親臨遼隧問罪燕郊分命方叔長駟被練四綱周設一鼓而摧以勳進授通議大夫長史如故十年從駕北巡言經朔野不幸構疾終於樓煩郡春秋五十有四君少而沉愍長而弘深英猛冠時清華映世堤封峻而不測墻宇高而莫窺自國自家至誠至孝可畏可愛爲政爲德清白以遺子弟澹雅以交友朋入其室者儻若芝蘭之芳與其遊者自染朱藍之色歷官兩代從宦十遷在